



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Cap. 1. De potestate conferendi Indulgencias.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

nescium simplex; non autem ad Ordines sacros, aut beneficium curatum. Ita communiter Doctores. Vnde sequitur, Episcopum non videri posse dispensare cum illegitimo ad canoniciatum Ecclesia cathedralis. Ratio est; quia Concilium Tridentinum sess. 24. cap. 12. statuit, ut omnes canonicatus Ecclesia cathedralis habeant anexum Ordinem sacram, ad quem Episcopus non potest dispensare cum illegitimo.

An. &
quaque
collatur per
Episcopū.

Aduerte tamen: Quando hoc impedimentum est occultum, probabile esse, Episcopum posse in eo absolute dispensare ad omnia: nam tunc cen-

seru' esse ex delicto occulto, scilicet ipsorum parentum; ac proinde videtur concedi dispensatio per caput 6. sess. 24. Et si enim omnis dispensatio strictè sit interpretanda, cùm sit odium Iuris; facultas tamen dispensandi est latè interpretanda, præsternit quæ concessa est Episcopis: tum quia ipsis, sepolita reseruatione superioris, per se competit; tum quia beneficium Principis quod non est in praedium tertij, latè interpretandum est, vt docet Glossa in Clement. Primam, De officio Vicarij, quam sequuntur omnes.

D E

INDULGENTIIS.

Circa Questionem 25. 26. & 27.

¹
Variae ac-
cepções
Indulgencie

Nota, nomine *Indulgentia* generatim significari quandam iuris relaxationem; nempe, quando cum aliquo minùs severe agimus, quām pro nostro iure possemus. Apud Patres accipitur interdum pro remissione peccatorum; vt patet apud Cyprianum epistolā ad Iubaianum; & apud Hieronymum in Comment. cap. 4. Danielis; idque meritò, quia in remittendis peccatis, quoad culpam & pœnam Deus maximè de suo iure remittit. Sed postea accommodatam est hoc nomē ad significandam propriè condonationem pœnæ temporalis. Nam vulgo etiam parentes dicuntur *Indulgentes*, quando filios non castigant; & castigationis condonatio vocatur *Indulgentia*. Ita accipitur in proposito, & potest sic describi: *Indulgentia est remissio pœnae temporaria, ob culpam actualē Deo debitā, per autoritatem Ecclesiasticā extra Sacramentum factā, per applicationem eaurum satisfactionum, quae in communī thesauro Ecclesia sunt deposita.*

CAPVT I.

De potestate conferendi In-
dulgencias.

DVBI VM I.

Vtrum in Ecclesia sit potestas conferendi
Indulgencias?

²
Hæretici
negantes.

Notandum est: Primos qui hanc potestatem negaueré, fuisse Waldenses, vt docet Alfonius à Castro *De hæreticis*, Verbo *Indulgencia*: quos secutus est Ioannes Wicleff, vt patet ex Concilio Constantiensi sess. 8: hunc Lutherus, Lutherum Caluinus, & alij hæretici nostri ævi. Vide Lutherum apud Roffensem in assertione articuli 18. & 19. vbi dicit, *Indulgencias non valere ad remissionem pœnae*; & articulo 20. Non esse salutares: Caluinus lib. 3. Institut. cap. 5. docet esse segmenta.

Sed veritas Catholica est, *Eesse in Ecclesia potestatem concedendi Indulgencias*, id est, condonandi pœnas peccatis debitas extra Sacramentum. Pater ex Cœcilio Tridentino sess. vltimā, vbi damnat anathematē eos, qui dicunt *Indulgencias esse inutiles*;

Veritas
Catholica
affirmat,

vel eas concedendi in Ecclesia potestatem esse negant. Et ex Concilio Constantiensi sess. 8. vbi damnantur articuli Wicleffii, inter quos 42. est: *Fatum est credere Indulgencias Papa & Episcoporum*. Et ex Bulla Leonis X. quæ habetur in tomo 4. Conciliorum, pag. 700. vbi damnantur sex articuli Lutheri de Indulgencij.

Probatur Primo ex varijs Scripturę locis. Primus locus est Ioannis 20. v. 23. *Quorum remiseritis peccata, remittuntur eis*. Hic Dominus dat Ecclesie Prelatis potestatem remittendi peccata. Atqui nomine *remissionis peccatorum*, in Scripturis nō solù significatur remissio culpe, sed etiā pœnæ temporalis: Psalmo 50. v. 4. *Amplius laua me ab iniuritate mea*, quod multi intelligunt de remissione pœnæ temporalis: Numer. 14. v. 20. *Dimisi iuxta verbum tuum*, id est, dimisi peccatum quo ad vindictam temporariam: & alibi sápè. Ergo dat hic etiam potestatem remittendi pœnam temporali.

Dices: Dominus hīc solùm dat potestatem remittendi peccata per Sacramentum Pœnitentiae: ergo non recte colligitur Sacerdotem ea posse remittere extra Sacramentum.

Respondeo: Principaliter quidem datur potestas remittendi peccata per Sacramentum; secundariò tamen etiā extra Sacramentum. Si enim dedit Ecclesie potestatem remittendi culpam & pœnam æternam per suam sententiam, quam volunt esse Sacramentum, multò magis ei dederit potestatem remittendi pœnam temporalem, si causa subsit. Confirmatur ex Cyrillo lib. 12. in Ioan. cap. 56. vbi dicit, Paulum huius potestatis auctoritate fornicarum illum Corinthium, quem prius in perniciose carnis tradiderat, rufus receperisse; nempe condonatā vindictā, ne maiore tristitia absorberetur. Atqui Paulus hoc extra Sacramentum fecit; absens enim erat.

Alius locus est Matthæi 16. v. 19. *Tibi dabo claves regni celorum*. Ad claves regni celorum pertinet impedimentum cœli tollere: atqui non solù culpa, sed etiam reatus pœnæ impedit cœli ingressum: ergo data est Ecclesie potestas tollendi hunc reatum, alioquin claves essent imperfectæ, neque possent cœlum aperire. Vnde Theophilactus in hunc locum; *Claves, inquit, intelligas, que ligant & soluant, hoc est, delictorum vel indulgentias, vel penas*.

Tertius

Matth. 18.
Quid pro-
prijsimē
aliquem
solui.

Tertius locus Matth. 18. v. 18. omnibus Apo-
stolis, & in ipsis omnibus Ecclesiæ Prælatis, dici-
tur, Quacunque alligaueritis super terram, erunt ligata
& in celis: & quacunque solueritis super terram, erunt
soluta & in celis. Hic amplissimā potestatē ligan-
di & soluendi promittit; atqui proprijsimē di-
citur quis solui, quād à debito poenæ absoluuntur:
ergo hī istud continetur.

Dices, Hæc potestas intelligenda est exerceri
mediante Sacramento.

Contra: Quia Potestas ligandi non astringitur
Sacramento, ergo neque soluendi. Confirmatur,
quia sub potestate soluendi continetur etiam po-
testas dispensandi in votis, iuramentis, & legibus
Ecclesiasticis, & absoluendi ab excommunicatio-
ne, alijsque censuris: ergo non solum exercetur
per Sacramentum, sed etiam sine Sacramento.

Dices, Si potestas soluendi à peccatis nō astrin-
gitur Sacramento, ergo etiam Ecclesia poterit re-
mittere culpam mortisferam & penam æternam
sine Sacramento.

Respondeo, Negando Consequentiam: Quia
datur potestas remittendi culpam iuxta naturam
& conditionem culpæ, & penam iuxta condi-
tionem poenæ. Conditio autem culpæ est, vt nequeat
remitti sine internâ aliquâ renovatione, quam
ministri Ecclesiæ non possunt in alijs facere, nisi
mediante Sacramento. Reatus autem poenæ tem-
poralis, vt tollatur, non postulat ullam internam
mutuationem, sed fit per condonationem extrinse-
cam; vnde extra Sacramentum fieri potest.

2. Cor. 2.

Quartus locus, 2. ad Corinth. 2. v. 10. Cui ali-
quid donasti, & ego; nam & ego quod donavi, si quid
donavi propter vos in persona Christi. Hic Apostolus
dicit se condonare pœnitentiam iniunctam ince-
stuoso, ne maiore tristitia absorbeat; nam per
donationem intelligit remissionem penæ imposi-
ta, vt notauit hīc Ambrosius, Theodoretus,
Theophilactus, Anselmus, Occumenius. Quod
autem hæc donatio rata fuerit apud Deum, ex eo
patet, quod Apostolus dicat se donare in persona
Christi, id est, Christi auctoritate, tanquam Christi
vicarius, qui dixit; Quacunque ligaueritis super
terram, erunt ligata & in celis. Ita Ambrosius &
Anselmus in hunc locum, & Cyrilus suprà lib.
12. cap. 56. in Ioannem. Vnde hæc condonatio
non minus erat efficax, quām si à Christo facta
fuisse, vt notant Glossa & Anselmus.

4
2. Probatur
ex Concilij & Pa-
tribus.

Probatur Secundò, Ex Concilijs & Patribus.
Ex quibus constat in Ecclesia semper fuisse usum
remittendi penas peccatis debitam iustis de causis.
Nam penes Episcopum erat, habita ratione per-
sonarum, peccatorum, & promptitudinis agenda
pœnitentia, remittere de pœnitentia iniunctâ; quod
nihil est aliud, quām Indulgencias concedere. Patet
hoc ex Concilio Ancyran cap. 2. circa annum
Domini 308. sub Siluestro I. vbi in arbitrio &
potestate Episcoporum dicitur esse, vt Diaconis
lapsis in persecutione, aliquid pœnitentie immittantur.
Et cap. 5. Episcopum hanc habere licentiam oportet,
vt perspectâ singulorum [pœnitentium] conversatio-
ne, normam regulamque conversationis attribuat; id
est, vt humanius agens, secundum vita modum,
tempus alicui pœnitentie breuiare possit. Et ex
Concilio Nicæno cap. XI. vbi dicitur, Episcopo
licere humanius aliquid cogitare circa eos, qui aliquod
tempus feruenter penitendo explenerint. Vide etiam
Concilium Laodicenum can. 2. sub Silvestro I. &

Cœcil. An-
tyranno.

Nicænum.

Laodice-
num.

Carthaginense IV. can. 76. sub Anastasio I. An. Carthag.
Domini 436.

Idem Confirmatur ex Tertuliano lib. ad Mar-
tyres circa principium: Quam pacem, inquit, quidam Cyprianus
in Ecclesia non habentes, à Martyribus in carcere exora-
re confuerunt, eam in vobis custodire deberis, vt si
forte alij eam dare positis. In quem locum vide Pa-
meliū. Et ex Cypriano varijs epistolis vt epi-
stolâ, 11. 12. 13. 14. & 52. Erat enim consuetudo,
vt lapsi in persecutione, quibus grauis & lon-
ga pœnitentia erat agenda, adirent Martyres &
Confessores, qui pro fide Christi multa erant per-
pessi, vel adhuc in vinculis detinebantur, & ab illis impetrarent libellos, vel litteras ad Epis-
copos, vt eis propter Martyrum merita penas
iniunctas condonarent. Eiusdem relaxationis me-
minerunt Basilius can. 54. & 74. ad Amphilochiū,
vt habeat Balsamon: & Gregorius Nyss. epist.
ad Latoium apud Balsamonem, & Methodius
Episcopus Constantinopolitanus, apud eundem
in fine, & Innocentius I. epist. 1. ad Decentium
c. 7. & Chrysostomus lib. 2. de Sacerdotio. Atqui
relaxatio pœnitentia constituta est Indulgencia
quædam. Neque dici potest hanc condonatio-
nem non fuisse ratam apud tribunal Dei: tum
quia siebat in persona Christi ab Episcopis, licet
propter Martyrum merita; tum quia alioquin
Martyres illi & Episcopi pessimè pœnitentibus
consuluerint, & potius maleficium, quām bene-
ficium contulissent.

Expressius autem de Indulgencij habemus cir-
ca annum Domini 1088. quando propter nec-
sitatem Ecclesiæ, ad excitandos animos fidelium
concessæ sunt Indulgencie ab Urbano II. in Sy-
nodo Claromontanâ, proficiscentibus contra in-
fideles, vt scribit Naülerus, Abbas Vspengensis
in Chronicô, & alij. Idem fecit Alexander III.
circa annum Domini, 1160. & Innocentius III.
in magno Concilio Lateranensi circa annum Do-
mini 1220. Vide Capit. Excommunicamus, De ha-
reticis, §. Catholicî: Et Capit. Cùm ex eo, de Pœni-
tentij & remissionibus.

Deinde circa annum 1300. Bonifacius VIII.
fanciis Iubileum centesimo quoque anno haben-
dum, insinuat esse rem antiquam: quod Iubileū
paùlo pôst Clemens VI. reuocauit ad annum 50.
& posteâ Sixtus IV. ad annum 25. vt habetur in
Extrauagante de Pœnitentij & remissionibus.
Idem patet ex Concilio Constantiensi, & Tridentino
citatâ.

Probatur Tertiò: Ratione. Primo, Ecclesiæ
data est potestas obligandi ad penas pro peccatis
subeundas, vt suprà dictum est. Cur non etiam
sit data potestas ex causa eas dissoluendi? præfer-
tim cùm Deus prior sit ad misericordiam, quā
ad vindictam.

Secundò: In omni Republica perfecta non so-
lum Princeps & Magistratus habent potestatem
delicta puniendi, sed etiam punitionem ex causa
condonandi: ergo Ecclesia, quæ diuina quedam
& perfectissima Respub. est, similem potestatem
habebit, sublimiore tamen, suoque fini cōgruen-
tem: Nempe, quæ etiam apud Deum effectum
habeat, à quo ipsa omnem potestatem immedia-
tè accepit.

Tertiò: Adde hanc potestatē esse Ecclesiæ val-
dē vtilem ad eius bonam administrationem, ad
populi pietatem excitandam, ad religionis Chri-
stianæ

Mos venus
impetrandi
à Martyris
bus litteras
condona-
torias,

Indulgencij
data profi-
ciscientibus
contra infi-
deles,

Concessio
Iubilei.

3. Probatur
Ratione.

⁶ Stanæ studium & amorem; præsertim cùm ea sit hominū conditio, vt sensim rigor disciplinæ languescat, & à penitentijs subeundis magis magisque abhorreat, vt merito oportuerit mitiori modo illorum saluti tandem consulere.

Vñs indul-
gentiarum
est verati-
tus.

Ex dictis patet, vñsum Indulgentiarum non esse recentem, neque à quadringentis annis primùm exortum, sed iam inde à temporibus Apostolorū extitisse, etiæ parciorem, quām ab annis 500. in quo decepti sunt quidam Catholici, qui putarunt à 400. vel 500. annis earum vñsum cepisse; hoc enim verum non esse patet ex suprà dictis. Nam Alexander III. in illo Capitulo *Quod aurem, De poenitentijs & remissionib; loquitur de Indulgentijs tanquam de re iana pridem vñstatā. Similiter Innocentius III. in Concilio magno Lateranensi. Ante tamen illud tempus parcius fuit earū vñsus, cōd quōd primis temporibus fideles essent feruientiores, & promptiores ad sua peccata vindicanda. Vnde Patres illam feueritatem penitentiārum retinuerunt quādīu licuit. Verum vbi caperunt abhorre omnino ab illa asperitate, & languescere ad bona opera, necessarium fuit aperte thesaurum Indulgentiarum, vt saltem hac benignitate allecti, studium religionis Christianæ, & suam salutem non negligenter. Quōd fit, vt si moderatē fuerint, non enervent disciplinari Ecclesiasticam, sed potius corroborent, dum eulatum pietatis in fidelibus excitant.*

DV B I V M II.

Vñrum in Ecclesia sit aliquis thesaurus satisfacionum, ex meritis & satisfactionibus Christi & Sanctorum, cuius dispensatio in concedendis Indulgentijs interueniat?

⁷ Negat Ma-
ronius &
Angelus.

F Ranciscus Maronius: inter Catholicos negat extare huiusmodi thesaurum, quem sequitur Angelus Verbo Indulgentia, num. 9. Fundamentum eorum est, quia merita Christi plenè illi sunt remunerata: propter enim illa exaltatus est, & accepit nomen, quod est super omne nomen, ad Philip. 2. Sanctorum quoque merita fuerunt ipsis remunerata, etiam supra condiguum: quare ex his nihil superest, quod alij applicetur.

Affertio est & Dico Primo: Certum est in Ecclesia esse quandam thesaurum, qui constet primitrio meritis & satisfactionibus Christi: secundario meritis & satisfactionibus Sanctorum. Est definita à Clemente VI. Extraug. Vnigenitus, vbi dicitur, Christum per copiosissimam sui Sanguinis effusione, infinitum thesaurum Ecclesia militati reliquisse, ad cuius thesauri cumulum B. Dei Genitricis, omniangue electorum à primo iusto usque ad ultimum merita, administrum præstare noscantur. Et à Leone X. in Bulla damnationis articulorum Lutheri, vbi inter ceteros damnatur iste articulus 17. *Thesauris Ecclesie, vnde Papa dat Indulgentias, novi est Christi & Sanctorum.*

Prob. de
satisfac-
tionibus
Christi.

Probat de meritis & satisfactionibus Christi: Quia hæc sufficiunt pro exhaustiōnē totius mundi peccatis, tam secundum pœnam, quam secundum culpam, modi applicentur: si enim, omnes credentes & baptizantesur, Christi satisfactione per baptismum applicata omnes debitum pœnaruū colleverint. A smaragd. 10. articulo 17. articulo 18. De Satisfactionibus Sanctorum, Probatur Pri-

mò: Quia in operibus bonis est vis merendi, & vis satisfaciendi, quæ duo sunt distincta, vt suprà dictum est. Sanctis autem, etiæ plenè & supra condigum opera bona sicut remunerata quoad vim meritoriam, non tamen remunerata sunt quoad

Prob. de
satisfac-
tionibus
Sanctorū.

vim satisfactoriam; non enim tantum pœnarum debebant, quantum perfoluerunt; vt patet ex illo Job. 6. v. 1. *Vitam appenderentur peccata mea quibus iram merui; & calamitas quam patior, in flatera. Quasi arena maris haec granior appareret.* Patet etiam ex afflictionibus B. Virginis, quæ nunquam peccauit. Nullo etiam modo credibile est, S. Ioannem Baptistam, Apostolos, Martyres, & alios sanctissimos viros, qui plurima perpepsi sunt, omnem illum afflictionem ex debito subiisse. Manent ergo hæc afflictiones Christi & Sanctorum in acceptatione diuina ad aliorum utilitatem. Et hac ratione vocantur thesaurus.

Probatur Secundo: Bona opera & afflictiones Sanctorum non solùm merentur, vt ipsi detur premium, quod ex iustitia debetur; sed etiam, vt illorum causâ Deus etiæ alijs benefaciat: id enim obsequijs amicorum iure amicitia debetur. Ergo etiā ponemus illa esse plenè remunerata quoad debitum iustitiae, tamen non sunt plenè remunerata quoad debitum amicitiae. Ergo sic semper manent in acceptatione diuina, vt ulterius remunerationem accipiant.

Ex dictis patet solutio rationis Francisci Mattonij de meritis Sanctorum. Quod autem ait de meritis Christi, omnino falsum est. Non enim hec plenè remunerata sunt ipsi Christo quoad debitum iustitiae, vt alibi dictum est; præsertim cùm ipsius meritum non fuerit destinatum ad ipsi gloriam promerendam, sed ad generis humani salutem.

Dico Secundo: Hunc thesaurum nunquam posse deficere. Est communis Doctorum. Probatur: Quia merita & satisfactiones Christi non possunt exinaniri, cùm superent omnem omnium hominum malitiam: sunt enim p̄ se infinitæ virtutis, tum in ratione meriti, tum in ratione satisfactionis. Merita verò & satisfactiones Sanctorum, etiæ exhaustiri possint, quatenus illis ex iustitia aliquid debitum esse potest; non tamen exhaustiri possunt quatenus iure amicitiae, & ex congruo illis aliquid debetur. Nam illis amicitia æterna est cum Deo, semperque decet Dei charitatem & liberalitatem, vt propter amicorum suorum merita & patientiam semper benefaciat iis, qui ad ipsorum opem configiunt. Itaque non possunt exhaustiri quoad vim impenetrandi, quam habent ex congruo.

Dico Tertiō: In Ecclesia esse potestatem ex hoc thesauro fidelibus dispensandi. Definitur à Clemente VI. suprà, vbi dicitur: *Quem thesaurum non in sudario depositum, non in agro absconditum, sed per B. Petrum cali Clavigerum, iusque successores suos in terris vicarios, committit fidelibus salubriter dispensandum.*

Ratio est, Primo: Quia in omni Republica perfecta debet esse potestas dispensandi bona communia. Atqui hic thesaurus, sicut & Sacramenta, pertinet ad bona communia Ecclesie. Secundo: Dominus Ecclesiæ reliquit potestatem dispensandi Sacramenta, & per Sacramenta ipsius merita ad remissionem culpa & pœnæ aeternæ, idque etiam in suos inimicos: ergo multo magis reliquit illi potestatem dispensandi ex causa ipsius satisfactio-

⁸ Thesauris
hic nunquā
potest defi-
cere.

Ecclesia ha-
bet potesta-
tem ex hoc
thesauro
dispensandi

Satisfactionis isti suos filios & viua membra, ad remissionem poenitentialem temporalis. Si enim iudicauit Ecclesiam suam dignam tam magnâ potestate dispensandi, cur negauerit illi minorem? Neque necessitate erat ut haec dispensatio fieret per Sacramenta, cum remissio poenitentialem non requirat gratiae infusionem. Tertiò: Quia dubitandum non est, quin Sanctorum, dum in hac vita erant, voluntas fuerit, saltem implicita, ut labores & passiones illorum, quantum fieri posset, professent omnibus Ecclesiæ membris; ut colligi potest ex locis Cypriani suprà nu. 4. citatis.

11
Per satisfactiones Christi & Sanctorum diuerso modo nobis valeant, tamen Sanctorum satisfactiones non solum nobis applicantur, ut efficiamur digni, qui à poenis peccatum nostrorum pretio sanguinis Christi liberemur, ut quidam docuerunt: sed etiam per illas redimuntur ipsæ poenitentiae, quamvis ex congruo, dum nobis applicantur. Nam si ipsum debitum poenitentiam præcisè consideretur, id est, non ut est in alio subiecto, offertur Deo per satisfactiones Sanctorum æquivalens: nam ipsi Sancti in scipis tantudem poenarum per huiusmodi afflictiones ex condigno redimere potuerunt. Neque ideo ipsi dicentur sui ipsorum, vel aliorum Redemptores, nisi secundum quid; id est, secundum quoddam debitum poenitentialem temporalis, idque sub Christo; quomodo Eleemosynæ, & alijs bonis operibus dicuntur redimi percata: Daniel. 4. Prover. 16. Nam hanc proprietatem acceperunt ex gratia Christi, quæ merito passionis illius collata est, vnde ipse ubique censetur principalis causa.

D V B I V M. I I I.
Quinam in Ecclesia habeant potestatem conferendi Indulgencias?

12
Papa & Concilium Generale dant Indulgenciam Plenariam.

Respondeo & Dico Primo: Summus Pontifex, hoc ipso quo legitimè est electus, iure diuino habet plenitudinem potestatis in Indulgencij conferendis, siue tunc habeat ordinem Episcopatus, siue non. Est certa & communis. Patet: quia hoc ipso, quo legitimè eligitur, accipit immediatè à Christo omnem potestatem iurisdictionis, quam Christus Ecclesia concessit. Potestas autem Indulgenciarum est potestas iurisdictionis, non Ordinis, cum extra Sacramentum datur Indulgencie; ergo

Dico Secundo: Etiam Concilium Generale habet potestatem concedendi plenariam Indulgenciam. Ita Nauar. Tractatu De Jubile, notabili 31. num. 2. & Sotus d. 21. q. 1. art. 2. Ratio est: Nam huius Concilij est summa in universam Ecclesiam, quamvis sub Pontifice, auctoritas, idque ex coitione & consensu conuenientium.

13
Episcopi quantam dare posse.

Dico Tertiò: Episcopi etiam habent potestatem Indulgenciarum, sed restrictam. Nam Innocentius III. in Cœilio magno Lateranensi statuit, ut Episcopi in Basilicarum dedicatione non ultra annum, in anniversario vero dedicationis non nisi 40. dies de iniunctis penitentijs Indulgencias concedere possint; iubetque hanc mensuram etiam in ceteris non excedi. Vbi illud, De iniunctis, etiam ad annum referri debet, iuxta Doctorum explicationem. Vide Capit. Cum ex ea, de Penitentijs & remissionibus.

Quod si ipsi prædictum modum excederint,

Indulgencie vires non habebunt; ut patet ex declaratione Bonifacij VIII. Cap. Indulgencia, de excedenti Penitentijs & remissionibus, in 6. Notandum tamen: Quod talis concessio valebit quoad eam partem, quam iure poterant dare. Nam Usus ab iniunctis separari potest; ut ibidem probat efficaciter Glossa citans Panormitanum, & Ioan. Andream. Idem sentit Nauarrus notab. 31. num. 16. Silvester verbo Indulgencie, num. 15. Sotus dist. 21. q. 2. art. 2. & plerique alij. Nulla enim est ratio, cur Pontifex volit talem concessionem esse irritam, etiam ex ea parte, quæ iuri non repugnat.

Aduertendum tamen est: Etsi satisfactiones Christi & Sanctorum diuerso modo nobis valeant, tamen Sanctorum satisfactiones non solum nobis applicantur, ut efficiamur digni, qui à poenis peccatum nostrorum pretio sanguinis Christi liberemur, ut quidam docuerunt: sed etiam per illas redimuntur ipsæ poenitentiae, quamvis ex congruo, dum nobis applicantur. Nam si ipsum debitum poenitentiam præcisè consideretur, id est, non ut est in alio subiecto, offertur Deo per satisfactiones Sanctorum æquivalens: nam ipsi Sancti in scipis tantudem poenarum per huiusmodi afflictiones ex condigno redimere potuerunt. Neque ideo ipsi dicentur sui ipsorum, vel aliorum Redemptores, nisi secundum quid; id est, secundum quoddam debitum poenitentialem temporalis, idque sub Christo; quomodo Eleemosynæ, & alijs bonis operibus dicuntur redimi percata: Daniel. 4. Prover. 16. Nam hanc proprietatem acceperunt ex gratia Christi, quæ merito passionis illius collata est, vnde ipse ubique censetur principalis causa.

14
Si dene
alieno sub
dito.

Ex eodem tamen Capitulo recte colligitur, Indulgencias Episcopi posse prodeesse non subditis, de licentia proprii judicis, id est, proprii Episcopi. Cum venia
Parochi.

An autem Parochus possit suo subdito facere hanc potestatem accipiendi Indulgencias ab alieno Episcopo, est dubium. Quidam existimant non posse. Ita Corduba q. 11. de Indulg. & Speculator in Cap. Nostrum, De penitent & remissionibus. Probabile tamen est, posse dare. Ita tenet Nauar. notab. 31. num. 13. & Paludanus dist. 20. q. 4. art. 3. Ratio est: quia Parochus potest alteri suum subditum in fauorabilibus subiucere, cum id non cedit in ullum praediudicium proprij Episcopi.

Dices, Si Episcopus solum potest dare Indulgencias suis subditis, ergo Religiosi exempti non possunt obtinere Indulgencias Episcoporum. Religiosi cas licen-
tur.

Respondeo, Negando Consequentiam; quia exemptio concessa est in fauorem exemptorum; nempe in onerosis, non autem in fauorabilibus, si ipsi in illis se velint subiucere. Docet hoc Corduba q. 11.

Dico Quartò: Archiepiscopi possunt concedere Indulgencias non solum in sua Diocesis, sed etiam per totam Provinciam, id est, in Diocesibus Suffraganeorum. Patet ex Capit. Nostro, de Penitent. & remissionibus. Parti modo Primas intra limites sui Primatus, ut Archiepiscopus Toletanus per totam Hispaniam; Legatus intra limites suæ legationis. Ita Nauar. notab. 31. num. 3. Vide eundem nu. 17, de summo Penitentiario & Cardinalibus, qui possunt concedere centum dies, non Iure scripto, sed Pontificis concessu.

Dico Quinto: Inferiores Episcopis, vt sunt Archidiaci, Decani, Abbates, Parochi, nullam habent ordinariam potestatem Indulgencias concedendi. Vide Capitul. Accidentibus, De excessibus Praelatorum. Imo nec Episcopi Vicarius generalis, ut docet Nauar. notab. 31. num. 6. & sequentibus.

Vtrum vero Capitulum Sede vacante hanc potestatem habeat, dubium est. Multi negant; sed probabiliter videtur, habere, ut docet Nauar. n. 7. cum Panormitano. Ratio est: quia Capitulum succedit in totam iurisdictionem Episcopi Sede vacante, exceptis ijs, quæ Iure excipiuntur: at qui Ius non excipit Indulgenciarum potestatem.

Notandum est: Quosdam Doctores existimare Confessorē posse in foro penitentie Indulgencias Con-
dere, dicendo, quando imponit penitentiam: Im- fessor in
pono tibi hand penitentiam, V. G. Septem Psalmos Pa- foro penit-
nitiales, & dispenso tecum super residuo penitentia, tenus,
quam deberes. Ita tenet Summa Rosella, verbo In-
dulgencie, n. 28. Angelus n. 5. Armilla n. 2. Item Archidia-

Archidiaconus, Panormitanus, Innocentius, Aluarius, Cardinalis Sabarella, & Bernardus Glossator Decretalium; quos citant Angelus & Rosella.

Sed contrarium est verius, quod tenet communiter reliqui Doctores, & Iura ab alijs citata non probant illud; vt recte Nauarrus docet.

DVBIVM IV.

Vtrum is, qui iure potestate non habet Indulgencias conferendi, possit hanc consuetudine obtinere?

16 R Espondeo: Si Pontifex omnino ignoret illam consuetudinem, aut cognitam improbety nulla per eam acquiritur potestas in Indulgencias. Nam potestas remittendi poenias in iudicio Dei debitis, non nisi vera auctoritate à Christo descendete, haberi potest. Si autem consuetudo illa Pontifici sit perspecta, & si tolerata, ut approbat tacite videatur, tunc per eam verum ius acquiritur. Nam sicut ipse potest hoc ius conseruare expressa voluntate, ita etiam tacita approbatione. Ita docet Antonius Corduba quæst. 10.

CAPVT II.

Quid sint Indulgencias.

DVBIVM I.

Vtrum concessio Indulgenciarum formaliter sit absoluio à peccatis debitibus; an solutio pro ijsdem ex thesauro Ecclesie?

17 Sunt tres sententiae. Prima est Francisci Maronii, *Esse meram absolutionem à peccatis peccatorum ex potestate Clavium, sine interuenientia solutionis; quia putat non extare thesaurorum unde fiat solutio.*

Secunda sententia est in altero extremo, scilicet, *Esse collummodo solutionem pro debito penarum.* Ita Durand. in 4. dist. 20. q. 3. & 5. Palud. cædum dist. q. 4. D. Antonius 1. p. tit. 10. c. 3. Silvester Verbo *Indulgencia,* num. 3. & fuit D. Thomas hic qu. 25. art. 1. ad 2.

Tertia sententia est media. Pro qua

Dico Primo: Indulgencia, quæ datur viuis, est absoluio à peccata debita, interuenientia tamen applicatione satisfactionum ex thesauro ad iustum peccatum illius compensationem. Ita tenet Abulensis q. 90. in c. 16. Matthæi, Caiet. Tract. 15. c. 5. & 6. in tomo 1. Opusculorum. Dom. Soto d. 21. q. 2. a. 3. Petrus Soto lect. 2. de Indulgencij. Richardus à Media-villâ dist. 20. circa tertium principale, quæst. 1. & 3. Eadem insinuat D. Thomas in 4. dist. 20. art. 3. quæstioncula 1.

Prima Pars Probatur Primo: Quia concessio Indulgenciarum est actus potestatis Clavium; ut patet ex dictis dub. 1. c. 1. Atqui concessio Indulgenciarum non pertinet ad potestatem Ordinis, ut omnes fatentur; nam Episcopus ante consecrationem Indulgencias conferre potest: ergo ad potestatem iurisdictionis: ergo Ecclesia in concessione Indulgenciarum vtitur iurisdictione, & iuridice absoluio à peccatis peccatorum. Confirmatur ex nomine: quia non ille qui soluit pro altero, dicitur indulgere ei penam, sed qui ex auctoritate eam remittit.

Probatur Secundum: Ex Capit. Quod autem de Penitentiis & remiss. vbi Alexander III. aperte

respondeat: Episcopos non posse conferre Indulgencias, nisi suis subditis, casque alijs non prodebet: Quia, inquit, nemo nisi à suo iudice ligari, vel absolu potest: aperte ergo sentit concessionem Indulgenciarum esse iuridicam absolutionem.

Probatur Tertio: Indulgencij passim in iure & literis Pontificum, quibus conceduntur, vocantur peccatorum absolutiones, relaxations, remissions, cōdonationes. Vide Cap. Quod ex eo. Et Cap. Nostro, de Premit. & remission. Et Extrauagantem Bonifacij VIII. quæ incipit, Antiquorum, cod. tit. inter Extrauagantes. Et Bullâ Martini V. in fine Concilij Constantiensis. Et epistolâ Gregorij VII. ad Clerum & populum Belluacensem.

Probatur Quartio: Quia aliqui priuatus posset cōcedere Indulgencias; potest enim per suas satisfactions pro alterius debito soluere. Similiter Sacerdos in sacrificio Missa diceretur concedere Indulgencias; applicat enim Christi satisfactions ad remissionem peccatum temporalis. Quæ tamen absurdè dicentur. Constat ergo Indulgencias viuorum esse veram absolutionem.

Secunda Pars, Quod etiam interueniat dispensatio thesauri, certissima est, quidquid dixerit M. chaël Medina. Primo: Quia id aperte assertur in Extrauagante, Vnguentu. Secundo: Quia in Bullâ Leonis X. cōtra Lutherum, damnatur iste articulus: *Thesauru, unde Papa dat Indulgencias, non est Christi & Sanctoru: qui tamē articulus verissimus esset,*

si nulla interueniret thesauri dispensatio. Tertio: Remittere peccatum fine vllâ cōpenitiatione, est eius, qui habet supremam & independentem potestatem, qualis est in Deo; atqui Papa non habet potestatem, nisi Vicarii Christi; ac proinde non potest remittere, nisi pro ut statuit Christus, qui pro omni culpâ & peccato satisfecit. Quartu: In Sacramento peccatum peccator non absolvitur à culpa vel à peccato, nisi intercedente applicatione pretij Sanguinis Christi. Alio quoq; Sacramenta non liberant à culpâ vel peccato, nisi ciuidate pretij interuenient, iuxta illud 1. Ioā. 1. *Sanguis Iesu Christi Filii Dei emundat nos ab omni peccato:* ergo multò minus extra Sacramentum poterit quis absolvitur à peccato, nisi eodem pretio mediante.

Notandum tamen, Quando Pontifex à peccato absolvit, non requiri aliquem actum, quo significet se applicare satisfactiones Christi & Sanctorum, aut soluere Deo per easdem. Nā hoc ipso, quo absolvit virtute Clavium, implicitè censetur hanc applicationem & solutionem facere; sicut quando Sacerdos in Sacramento Penitentiæ absolvit, non debet exprestè intendere applicare pretiū Sanguinis Christi ad peccatorum expiationem, aut ad soluendum Deo pro debito peccatori: nam satis hoc intendere censetur, dum intendit conferre Sacramentum. Si tamen exprestè vellet non applicare has satisfactiones, & sola virtute Clavium absolvire, nihil efficeret; quia talis potestas non est in Ecclesiâ.

Dico Secundum: Indulgencia, quæ darur mortuis, non est absoluio facta per Ecclesiam, sed solutione & oblatione pretij, ut à Deo absoluantur. Sed de hoc infra.

Objeicitur Primo: Pontifex potest consequi Indulgencias, quas ipse alijs concedit: atqui non potest seipsum absoluere, quia nemo in seipsum iurisdictionem exercere, aut alterius in se eam tribuere potest, quidquid alij dixerint: ergo Indulgencia quæ datur viuis non est absoluio.

Quid Indulgencia mortuorum
1. Obiectio
quod Papa
lacrando
Indulgencias, ipsas
ablaecet.

Cccc

Omissis